



Sermon
Kxf. Dr. Numlaajtsheb Yaaj


**"Yexus Tibleeg Xwb Thiaj
Yog Tus Cawm Tau Peb Dim"**

Fourth Sunday of Easter
St. Michael's and Our Savior Lutheran Church
4-25-2021

Thov txoj koobhmoov txojkev hlub thiab txojkev haumxeeb los ntawm Vajtswv uas yog peb leejtxiv uas yog peb tus Cawmseej Tswv Yexus Khetos. Asmees


Tes Haujlwm 4:12, "Salvation is found in no one else, for there is no other name under heaven given to men by which we must be saved – *Tsis muaj leejtwg cawm tau peb dim peb lub txim, tsuas yog Yexus tibleeg xwb thiaj cawm tau; tsis muaj dua lwmtus uas Vajtswv tso los cawm peb tibneeg ntiajteb kom peb dim peb lub txim.*" No Yog Vajtswv Txojlus. (Cross-reference – Mathais 1:21, Cov Dejum 10:43; 13:26, 1 Timautes 2:5)

Illustration "Truth" (Show picture of Marco Polo)



Coob leej ntau tus tsis xav hnov lolus tseeb. Vim thaum twg lolus tseeb hais lawm, tibneeg tsis txaus siab, ua rau lawv chim vim lolus tseeb ntawd tsis yog li lawv lub siab xav thiab lawv txojkev ntseeg. Nyob rau tiam 13th Century Marco Polo yog ibtug uas nyiam ncig mus ntau lub tebchaws thiab ntau qhovchaw. Nws ncig mus txog Afghanistan, Mongolia, China, thiab ntau lub tebchaws nyob rau sab Axias tebchaws. Thaum Marco Polo rov los rau Europe, nws sau xovxwm thiab qhia txog nws txojkev uas mus ncig pom txog lwm lub tebchaws, lwm haiv tibneeg nyob li cas, kev coj noj coj ua zoo li cas nrog rau lawv tej kev txawv npaum li cas. Thaum nws hais txog tej no coob leej ntau tus tsis ntseeg nws tej lus thiab lawv tau haistias, Marco Polo dag xwb yeej

tsis muaj tseeb li. Thaum uas Marco Polo piav txog tej uas nws pom thiab ntsib, cov European tsis ntseeg nws vim lawv xav haistias, Marco Polo tseem ua lub neej rov qab lawm. Cov tibneeg no xav haistias, Marco Polo lam tau lam hais thiab xev txog tej dabneeg kom lawv ntseeg nws xwb, yeej tsis muaj tseeb li. Thaum Marco Polo pws ntawm nws lub txaj thiab yuav tuag, cov tibneeg hais kom Marco Polo yuavtsum thim nws cov lus thiab lees nws tej lus haistias tej uas nws hais ntawd tsis muaj tseeb tsua yog dag xwb. Tiamsis Marco Polo hais rau lawv haistias, "I have not told half of what I saw – *Kuv twb tsis tau qhia ib nrab ntawm yam uas kuv pom.*" (Show solar system)



Nyob rau tiam 16th century, Copernicus haistias, lub hnub yog nyob nruabnrab ntawm peb cov solar system thiab haistias, lub ntiajteb no yog tig ncig raws lub hnub. Galileo pomzoo ibyam li Copernicus thiab. Tiamsis, nyob rau tiam tibneeg no, lawv tsis ntseeg haistias, muaj tej solar system li Galileo hais. Galileo cov phoojywg scientist, cov ntseeg Vajtswv cov thawjcoj, thiab coob tus thum nws haistias tsis muaj tseeb thiab liam haistias nws dag xwb. Cov thawjcoj ntawm cov ntseeg Vajtswv txiavtxim rau Galileo tias nws yog tus tibneeg dag, lawv thiaj li muab nws tso "house arrest – kaw nyob hauv tsev" vim lawv haistias nws vwm lawm. Tibneeg tsis ntseeg haistias lub ntiajteb no ncig raws lub hnub. (Show Dr. Martin Luther)



Dr. Martin Luther pom haistias, cov tuamtsev tsis qhia Vajtswv Txojlus raws li Vajlusub lawm vim feem ntau cov xibhwb xav tau meejmom thiab xav tau lub koob lub npe nrog nyiajtxiag heevduas li qhia Vajtswv Txojlus. Luther tuajxub cov Pope, Bishops, thiab Cardinal vim lawv qhia yuamkev rau tibneeg txog txojkev ntseeg Vajtswv. Thaum Luther pib hais cov xovxwm no, cov tuamtsev tsis txaus siab rau Luther thiab coj Luther los sawv ntawm tus Empero thiab hais kom Luther yuavtsum thim nws cov lus qhuabqhia nrog rau tej ntawv uas nws sau txog txojkev qhia txog Vajtswv txojkev cawmdim. Yog Luther tsis ua li no ces lawv yuav muab Luther tua povtseg. (Show Grace Alone, Faith Alone and Scripture Alone)



Luther qhia haistias, peb yeej cawm tsis tau peb tus kheej thiab ua tau dejnum zoo li tsuas yog los ntawm Vajtswv qhov koobhmoov ntawm Yexus Khetos xwb. Luther thiaj li kom cov ntseeg Vajtswv totaub haistias kev cawmdim yog los ntawm Grace alone, Faith alone, thiab Scripture alone. Thaum twg tibneeg hnov txog lolus tseeb, tibneeg tsis lees txais vim tibneeg tseem xav haistias, nws yuav cawm tau ntawm nws tus kheej.

- I. Cov kwvtij, hnuvno Vajtswv Txojlus sau ntawm phau ntawv Tes Haujlwm 4:12 sau haistias, "Salvation is found in no one else, for there is no other name under heaven given to men by which we must be saved – *Tsis muaj leejtwg cawm tau peb dim peb lub txim, tsuas yog Yexus tibleeg xwb thiaj cawm tau; tsis muaj dua lwmtus uas Vajtswv tso los cawm peb tibneeg ntiajteb kom peb dim peb lub txim.*" (Show Acts 4:12)




Nov yog Vajtswv lolus qhia haistias txojkev uas cawmdim ntawm ntiajteb txojkev ua neej ces tsua yog los ntawm Vajtswv Yexus tibleeg xwb tsis muaj dua lwmtus vajtswv li lawm. Tiamsis thaum tibneeg hnov Vajtswv Txojlus hais li no, nyob rau tiam 21st Century uas peb nyob tamsimno los tibneeg tsis ntseeg Vajtswv Txojlus. Tibneeg nyob rau tiamno tsis ntseeg haistias, tsua muaj tibug Vajtswv thiaj li yog tus cawm tau tibneeg xwb. Tibneeg haistias "Kuv cia siab rau kuv poj kuv yawg, kuv cia siab rau tej saw nyiaj saw kub, kuv cia siab rau kuv niam kuv txiv, kuv cia siab rau tej tsiaj, tej ntoo, tej khoom hauv ntiajteb no." "Yexus yog leejtwg, kuv tsis ntseeg thiab kuv tsis leespaub."

"Muaj ntau txojkev ntseeg, puavleej yog mus rau tib qhovchaw. Txawm koj yuav ntseeg txojkev twg los tsuav koj ua tibneeg zoo xwb ces, koj yeej yuav tau qhov zoo." (Show Postmodernism)




Thaum koj hnov tej xovxwm zoo li no lawm, koj xav li cas txog koj txojkev ntseeg Tswv Yexus Khetos ua koj tus Cawmseej? Lolus "Postmodernims – Txojkev xav tiam tamsimno" yog txhais haistias, ntiajteb txojkev pom losyog ntiajteb txojkev xav. Postmodernism ntseeg haistias, tsis muaj ib qhov tseeb, tsis muaj ib qhov kev ncajnrees, tsis muaj ib qhov zoo thiab tsis muaj tib txojkev ntseeg xwb. Raws li cov postmodernism xav, lawv haistias, nyob ntawm nyias xav raws nyias siab nyiam. (Show Postmodernism thinking)



Txawm koj ntseeg txojkev twg los tsuav koj paub haistias txojkev ntawd yog txojkev tseeb rau koj lawm ces txawm lwmtus haistias tsis tseeb los koj tsis tas yuav mloog losyog ntseeg lwmtus txojkev xav. Dr. Michael William yog tus xibhwb qhia ntawv ntawm Concordia Seminary St. Louis sau haistias, "Postmodernism has "no single standard of truth for everyone. We each have our own truth. Truth is not out there, but is a matter of choice. (Therefore) no one has the right to criticize another person's beliefs or values. Since truth is relative, the views of all people are to be affirmed. Postmodernism claims that something is true – if and only if – it is true for the one who know its –

Postmodernism tsis muaj ib txojkev uas yog qhovtseeb rau txhuatus. Peb nyias muaj nyias qhovtseeb. Qhovtseeb tsis muaj nyob sab nraud, nyias tsua muaj nyias txojkev xaiv. (Yog li ntawd) tsis muaj leejtwg yuav thuam lwmtus tibneeg txojkev ntseeg losyog muab ntau nqis. Vim qhovtseeb nyias muaj nyias, txhuatus tibneeg yuav saib tias puavleej yog tibi. Postmodernism haistias yog muaj qhovtseeb – yog haistias, tsua yog haistias, tsua yog muaj tseeb rau tus uas paub."

- II. Peb tiam tibneeg tamsimno, yeej xav raws li Postmodernism tiag. Tibneeg xav haistias, nyob ntawd lawv txojkev ntseeg kev cia siab. Qhovtseeb nyob ntawm koj. Koj xav ntseeg dabtsi los nyob ntawm koj. Tus yuav hais li cas los nyob ntawm nyias txojkev xav. Koj yog tus ntseeg Vajtswv, thaum koj hnov Postmodernism hais li no lawm, koj ho xav li cas? Petus hais ntawm haistias "Salvation is found in no one else, for there is no other name under heaven given to men by which we must be saved – *Tsis muaj leejtwg cawm tau peb dim peb lub txim, tsuas yog Yexus tibleeg xwb thiaj cawm tau; tsis muaj dua lwmtus uas Vajtswv tso los cawm peb tibneeg ntiajteb kom peb dim peb lub txim.*" (Tes Haujlwm 4:12). (Show world problem)



Yog peb xav li ntiajteb txojkev xav ces tsis muaj ib txojkev ntseeg tseeb li puas yog? Txhuayam puav leej muaj tseeb raws li nyias lub siab nyiam ces txojkev ua neej yuav yoojyim heev puas yog? Yog haistias, leejtwg xav xav tau ib lub tsev tshiab, ib lub tshab tshiab, losyog yeej the lottery kom tau tsheej laab duaslas – tsis tau txhais tau haistias nws yuav tau raws li nws lub siab xav yog hais li Postmodernism haistias *"Nyob ntawm nyias txojkev xav thiab nyias txojkev ntseeg."* Txawm yog koj txojkev xav hnuabno mus txog lwmxoos los koj yuav tsis yeej the lottery li. Txawm ntiajteb yuav xav zoo li cas los hnov yog ntiajteb txojkev ntshaw nrog rau txojkev xav xwb. **(Show Jesus miracles)**




Vajtswv txojlus qhia rau peb haistias, *"Tsis muaj leejtwg cawm tau peb dim ... Yexus tibleeg xwb thiaj yog tus cawm tau peb."* Lub sijhawm uas Petus hais cov lus no, yog Petus ua povthawj thiab timkhawv tseeb rau Yexus haistias, Yexus muaj txojhia nyob. Nws sawv ntawm txojkev tuag thiab Yexus yog Vajtswv tus Tub uas yog tibneeg tus Cawmseej. Petus pom kiag ntawm Petus ob lub qhovmuag rau tej txujci tseemceeb uas Yexus muab mov rau tshaj li 5000 leej noj, kho tus digmuag rov pomkev, Yexus mus saum nplaimdej, ntiab dab tawm ntawm cov tibneeg raug dab thiab tsa tus uas tuag lawm sawv rov los muaj sia nyob. Yog li ntawd, tomqab uas Yexus sawv ntawm txojkev tuag los Yexus thiaj li los tshwm rau Petus nrog rau cov thwjtim tias Yexus twb kovyeej txojkev txhaum, kev tuag thiab dabntxwngnyoog lawm. Petus thiaj li tshaj Txojmoozoo tias tsis muaj leejtwg cawm tau peb dim peb lub txim tsuas yog Yexus tibleeg xwb thiaj yog tus cawm tau peb dim.

III. Cov kwvtij, Yexus yeej qhia Nws txojlus nyob rau phau Vajluskub tias tsis muaj leejtwg mus cuag tau Leejtxiv tsuas yog mus ntawm Yexus mus xwb thiaj tau. Yexus yog txojkev yog qhovtseeb thiab yog txojhia. (Yauhas 14:6) Tus uas ntseeg Yexus yuav tsi tuag tiamsis tau txojhia mus ibtxhis. (Yauhas 3:16) Vajtswv txojlus qhia kom koj cia li ntseeg thiab cia siab rau Tswv Yexus Khetos ua koj tus cawmseej. Vajtswv txojkev hlab nrog rau Nws tej koobhmoov, Nws yuav pub puvnpo rau koj. Koj tsis tas yuav ua li lwmxoos ntseeg tias koj yuavtsum ua ub ua no thiab ua dejnum kom zoo thiab ua tibneeg ncaincees kom koj tsis txhob muaj ib qhov txhaum li mas koj thiaj li mus tau rau Vajtswv lub tebchaws. **(Show satisfaction to their god)**



Ntau txojkev ntseeg yuav qhia haistias, koj yuavtsum thov Vajtswv 5 zaug tuaj ib hnuab. Koj yuavtsum tua tsiaj theejtxhoj thiaj li haum koj niam koj txiv, koj pog koj yawg thiab yam uas koj hawm uas yog ua kom haum koj tus vajtswv losyog tus dab lub siab. Koj yuav tsum ua lub neej kom zoo thaum koj tuag lawm koj thiaj li yuav rov thawj dua thiab los ua nom ua tswv muaj nyiajtxiag npluanuj. Lub ntsiab lus ces haistias, koj yuavtsum *"Ua, ua, ua, ua kom zoo, ua kom haum, ua kom tsis txhob muaj lwmtus hais tau koj li."* Peb yog tibneeg uas muaj kev txhaum ntau kawg nkaus, peb yuav ua li cas, ua tau zoo mus tas li? Hnuabno koj ua zoo, ibpliag, tagkis, ib ob hnuab nrog rau ib ob limtiam xwb koj twb rov ua txhaum lawm. Yog koj ua li no, yeej tsis muaj hnuab uas yuav ua tau zoo li puas yog? Koj tsuas nyob nrog rau txojkev txhawj mus tas li haistias, leejtwg thiaj li yog tus cawm tau koj ntawm txojkev txhaum no? **(Show Acts 4:12)**



Vajtswv txojlus hnuabno thiaj li sau haistias, *"Salvation is found in no one else, for there is no other name under heaven given to men by which we must be saved. – Tsis muaj leejtwg cawm tau peb dim peb lub txim, tsuas yog Yexus tibleeg xwb thiaj cawm tau; tsis muaj dua lwmtus uas Vajtswv tso los cawm peb tibneeg ntiajteb kom peb dim peb lub txim."* (Tes Haujlwm 4:12) Paulus sau ntxiv haistias peb txojkev cawmdim yog los ntawm Vajtswv txoj koobhmoov tsis yog peb ua dejnum zoo tiamsis yog los ntawm peb

txojkev ntseeg. Peb yuav khav tsis tau haistias peb yog tus ua tau. (Efexaus 2:8-9). (Show trusting Jesus)




Cov kwvtij, koj thiab kuv yeej ua tsis tau zoo, tiamsis vim yog los ntawm Vajtswv txojkev hlab los ntawm Nws tus Tub Yexus Khetos uas yog koj tus Tswv twb ua tiav hlo rau koj lawm. Koj twb tau qhov zoo uas yog txojkev ncaincees, kev dawbhuv thiab kev cawmdim ntawm Yexus lawm, vim koj ntseeg thiab cia siab rau Yexus ua koj tus Tswv Cawmseej. Thaum Petus hais ntawm Tes Haujlwm yog qhia rau koj thiab kuv paub haistias, Yexus yog tus uas tsis muaj kev txhaum.

Yexus los rau lub niatjeb yog los theej koj thiab kuv txojkev txhaum. Yexus muab koj thiab kuv tig rov mus tau rau ntawm Vajtswv. Koj thiab kuv coj tsis tau Vajtswv cov kevcai tiamsis Yexus los coj cov kevcai rau peb. Peb ris tsis tau Vajtswv txojkev txiavtxim, tiamsis Yexus los ris txojkev txiavtxim rau peb. Yexus tibleeg xwb thiaj yog tus cawm tau peb dim. (Show Jesus Lives)



Yexus sawv ntawm txojkev tuag lawm, Nws tsis nyob no lawm. Muaj tibneeg nug Dr. Oswald Hoffman, former speaker of the Lutheran Hour haistias, "How is Christianity different from all other religions? Hoffman answer, "Jesus lives! Leaders of all other religions are dead in their graves, but Jesus lives – Cov ntseeg txawv npaum li cas ntawm lwm txojkev ntseeg. Hoffman teb haistias, Yexus muaj sia nyob! Txhuatus thawjcoj ntawm lwm txojkev ntseeg tseem tuag nyob rau lawv tej qhovntxa, tiamsis Yexus muaj sia nyob."

Peb coob tus pom ntau yam txojkev nrhiav kev cawmdim hauv peb lub neej. Nej ibtxhia nyob rau tiam tibneeg caij nees - tamsimno nej twb hloov dhau los mus caij tsheb. Ibtxia siv xovtooj ntawm tsev twb hloov dhau los mus siv cell phone – xovtooj tuav ntawm tes. Nej ibtxhia siv cav ntau ntawv ib daim ntawv zuzus twb dhau los mus siv computer ua tau ntau yam tshaj li ib ob puas npaug. (Show God Purpose)



Nyob rau tiamno nej yuav pom cov thawjcoj mus mus los los thiab tus yuav hais li cas los muaj tag. Tiamsis qhovtseeb yog peb cov ntseeg yuav lees tau haistias, "Jesus live – Yexus muaj sia nyob lawm – "Salvation is found in no one else, for there is no other name under heaven given to men by which we must be saved. – Tsis muaj leejtwg cawm tau peb dim peb lub txim, tsuas yog Yexus tibleeg xwb thiaj cawm tau; tsis muaj dua lwmtus uas Vajtswv tso los cawm peb tibneeg ntiajteb kom peb dim peb lub txim." (Tes Haujlwm 4:12.) Tsis muaj lwm txojkev uas mus tau ntuj ceebtsheej. Hnub no yog "Good Shepherd Sunday – Tus Tswvyaj Zoo Hnubso." Nws los nrhiav pab yaj uas poobzoo lawm. Nws twb

nrhiav tau koj lawm, koj cia li tig rau ntawm tus uas pub tau txojkev cawmdim rau koj. Tus ntawd yog ntawm Tswv Yexus Khetos. Yexus tibleeg xwb thiaj yog tus cawm tau koj dim. Asmees.

Thov kom Vajtswv txojlus pub rau peb sawvdaws totaub thiab tau nyob kajsiaib lug rau ntawm Tswv Yexus Khetos. Peb txhuatus uas yog Vajtswv cov menyuum peb sawvdaws hais: Asmees.